

Džiwna hlaj tu rosćinka  
w hałozach bě zakćěła —  
prawdku to bě zeličko,  
to kiž cheychu lékařjo.

Bosy a we kabaći  
Z nim se Žarin nastaji,  
spěchowaše do hrodu,  
zelko w běłym rubišku.

## VII.

„Kralo, tuto zelko wzmi —  
mi so džiwnje zešlachći —  
daj mi abo njedaj ju,  
ale wuhoj džowčičku!“

a ju wulěkuje zas,  
krasny z njeju změje kwas.“

Kral mu miły wotmłowi:  
„Kajkiž sy, k tej wbohej dži;  
sam ji daj to zeličko, —  
Bóh dať, zo by pomhało!“

„Moje słowo kralowske  
nihdy wróco njepóndže.  
Zawdajtaj tu přede mnu  
sebi dušu na dušu!“ —

Wuhladnuši Žarina  
wočerwjeni kralička,  
bórzy rjeńša wočerstwi. —  
Kajka radosć na hrodzi!

Tóčcy, warcy, pjekarjo  
mrowjachu we hrodže so.  
Warjenje a pječenje  
po wšěm kraju wonješe.

Kral so sobu spomłodžo  
skaza: „Wostań, Žarinko!  
Dam ěi złote drasty šić;  
džowčo cheu ěi woženíć.“

Młodym kralam porunjo  
Žarin błyskotaše so;  
krasnička ta njewjesta  
zerjam běše runjeća.

„Wukazať běch do kraja:  
Štož to zelko namaka,

K wěrowanju jědžeštaj —  
w wutrobomaj zbóžny raj,  
a na puću do cyrkwje  
bruk před nimaj lećeše.

## Dodawki, varianty a porjedženki ludowych pěsni.

Podawa *M. Hórnik*.

Hdyž bě wažna zběrka našich ludowych pěsni wot Smolerja (a Haupta) w l. 1841 a 1843 wudata, njepokazachu so dołhe lěta žane wudospołnjenja tuteje zběrki. Kniha bě droha a tehodla namakachu so jenož někotre exemplary w serbskim kraju. Kotřiž knihu njemějachu, myslachu, zo je w njej zawěsće wšitko, štož je w pomjatkú luda zawostało. Smoleť sam pak měješe druge nuzne džěła (w Lipsku a Budyšinje) a njemóžeše wjacy po kraju khodžo za pěsnjemi so prašec.

